

鬼神護方土何曾夢此書六百年來氣承接有若珠聯與璧合
光爭日月耀乾坤風動林泉引豪傑道德崇高妙莫名沆漚淋
漓浣太清世人歌雲水集應宮頰首拜先生

李岱霖

字雲石號桂圃洪雅人上舍生

元嶽太和山九室岩三丰先生高隱處

元嶽峯高卓萬尋至人曾卧白雲深千章古木封丹嶂一帶寒
煙護碧岑洞口風清閒弄笛松間月白照彈琴只今三十六岩
裏猶想先生金玉音

劉元焯

道藏輯要

三丰全集 古今題贈

書 續集十

隱鏡編年

夢九汪氏曰先生之爲真仙也聞之者多也其爲隱士也知之
者少矣公餘心靜適金使君式訓過訪焚香話先生奇蹤使君
曰公胡不書隱爲鏡發明先生大節乎錫齡曰諾爰倣綱目體
紀之名曰隱鏡編年崇徵實也自是而先生隱跡與先生年譜
均在茲矣後有萬年同志者續之

綱 洪武十七年甲子夏詔求故元退老一百三十七歲老人武
當山隱士張三丰不見 目 三丰懿州人元定宗二年生至元
間以博陵令致仕訪道於終南太白之間得希夷正傳其學以
忠孝慈恭爲體河洛易象爲用至正二十七年丁未三丰已百

二十歲矣戊申閏七月元數已終明太祖承天受命三丰遂遯跡深山十七年大封功臣華夷賓服詔求德高壽尊之士聞元張三丰隱武當山一百餘歲至是詔之不見

發明 書故元退老特表其貞也書一百三十七歲老人特尊其壽也書武當山隱士則高節清風可爲百世之師也

綱十八年春以沈萬三邱元靖再求武當山隱士張三丰不見
目萬三南京人元靖武當人均係三丰弟子太祖詔二人求之以弟子必能勸駕也仍不可致

金氏曰書法以沈萬三邱元靖求三丰一以字直揭出太祖牽制林泉之心孰知高節自貞者雖弟子不能強師也再求不見詔愈迫而跡愈隱矣

道藏輯要 三丰全集 陰鏡編年 美 續里集十 八八上

綱二十四年夏又以張宇初求武當山隱士張三丰終不見
目宇初龍虎山人天師後裔襲劍印號真人蓋三丰同宗也至是以宇初求之終不見

金氏曰以張宇初求三丰是以族人覓族人亦前番故智也三求之而三不見夫豈捷徑終南借名沽譽者所可同哉

綱永樂五年丁亥命胡濙訪求隱士張三丰十年不見 **目**戶科給事中胡濙舊與三丰相識成祖慕三丰高風至是命胡濙求之遍巡天下兼察建文帝所在去十年始還

金氏曰史稱訪張三丰爲覓建文所在其實非也夫隱士名動前朝成祖在藩邸久聞其事安知不慕其德高壽尊急思

之於闕下如宋太宗之得見陳希夷以爲快者茲曰兼訪
建文所在庶乎曲達成祖之心也

綱十年三月命孫元虛字碧雲於武當山預候隱士張三丰不至

目前胡濙等去訪三丰已及五年成祖欲見之心刻刻不忘
意其必至武當故命元虛齋書幣於武當預爲候之

金氏曰觀命孫元虛於武當預候則成祖願見之誠盤旋於
隱士之身者至矣豈真爲建文哉

綱十四年正月帝命安車迎請武當山隱士張三丰不至 目

前年孫元虛奉命在武當山建宮拜候至去年冬三丰始歸武
當元虛大悅令人馳報於帝今年春帝命安車迎請忽又他適

道藏輯要 三丰全集 隱鏡編年 著 續畢集十

帝頗悒然

綱十四年五月武當山一百六十八歲老隱士張三丰入朝

目帝以願見之心切切難得乃命胡廣至武當山泣禱三丰聞
之卽藏其身於洞中引出陽神化爲隱士戴竹冠披鹿裘飛入
金殿稽首階前時帝正御朝望而異之詢知爲三丰卽欽問長
生之道三丰曰寡欲澄心澹神汰慮此陛下長生之道也帝曰
先生數不見朕今何輕身至此三丰曰臣本野夫於時無用故
能修辟穀出泥丸今見陛下乃臣陽神耳昔太祖高皇帝不能
溺周顛於江上制冷謙於塵前皆法身非色身也臣今一見特
酬苦索之心言訖隱去帝封爲飛龍先生及胡濙胡廣諸臣還

朝聞三丰已來謁帝去矣

金氏曰一百六十八歲老隱士大書特書有憑有據山林中
千古一人而已又曰今見陛下乃臣陽神宙是知白日飛騰
出陽神者能之也先生真猶龍乎

綱天順三年春隱仙張三丰來朝 目帝素敬道德之士三丰
鑒其誠乃現全神晉謁紫面凝眸修髯如戟髻垂腦後若玄武
然腹大肩厚腰絛首笠而來稽首言曰臣三丰願陛下修己安
人黜邪崇正忽隱去帝親製誥文褒之封為通微顯化大真人
金氏曰隱士稱為隱仙所以表高人之不死也一謁一封均
有明文可證古人豈欺我哉自是而神仙之名永頌不誣也

道藏輯要

三丰全集 隱鏡編年

續畢集十

綱成化二十二年春詔特封前太和山隱士張三丰為韜光尚

志真仙 周顛為宣猷 輔化真仙 目時僧道兩徒濫竊封誥貪縱不法帝

厭之因科道官進奏遂削僧道兩徒國師真人之號特封三丰
為韜光尚志真仙周顛為宣猷輔化真仙

發明書前太和山隱士表其高風峻節不同方士之卑污也
封真仙黜偽道也

綱嘉靖四十二年秋封張三丰為清虛元妙真君 目帝晚年
頗好元祕聞三丰顯化南京遍索其書得玄要篇閱之嘆曰我
朝真仙也遂封為清虛元妙真君並勅於三丰舊栖處建清虛
觀祀之

發明清則不染於物虛則太空同體二字甚佳

綱天啟三年秋張三丰神現宮廷晉封飛龍顯化宏仁濟世真君
君 目帝因時事多故宮廷中設箕求仙忽見紅光覆座光中現三丰真容帝叩曰真仙教我真仙護我降語甚密移時隱去帝感之照前飛龍先生顯化真人晉封為飛龍顯化宏仁濟世真君

夢九氏曰先生清皎之光照耀明朝也至矣

時地

先世漢時留侯張子房世居沛國豐邑九世孫道陵天師寓江西信州龍虎山遂以道傳其家焉裔孫裕賢宋時人也南渡未

道藏輯要

三丰全集

隱鏡編年

堯

續畢集十

自遼遼東生子昌昌生三丰

見子房世家及三丰本傳

元初人 正

本傳元定宗丁未四月初九日子時誕生此說為正

金時人 誤

明史或曰金時人 按元史太宗成吉思可汗九年甲戌五月舉兵南伐金攻懿州節度使高同山死之遼州遂入元管據此考先生生時遼州久為元有實非金時人明矣

元末人 誤

無名氏傳云出自元末此不待辨而知其誤矣

明初人 誤